

اسلام محمودی

شعاری : دینی بر هیات ، هیاتی بر دینہ ؟ در .

پیل ۴ ضای ۴۹ ۴ صفر ۱۳۳۰
۱۷ تشرین ثانی ۱۳۳۲ مدیری : حلیم ثابت
جلد : ۵

قرآنہ کریم

سورۃ نسانک ۲۶ نجی آیتدن ۶۸ نجی آیت قدر مفهوم شریفی
[حاشیہ لی مفهوم قرآندن]
مرحوم مناسقرلی رفعت

تقدیر و تقدیر

قاموس فلسفہ . . . [محترم رضا توفیق بك طرفندن یازیلان قاموس
فلسفہ نك تقدیری]
منصوری زاده سعید

اسلام اجتماعی

دین و شریعت [اتحاد و ترقی قونفرمسی] ۷ نجی مقاله
(طینندن)

کوک آب ضیا

نسخہ سی ۶۰ بارہ در

توزیع یری زمان کتبخانہ سیدر

قاموس فلسفه

(قضایای متناوبه)

(پن نسخه‌ده کی تنقیددن مابده)

قاموس فلسفه، قضایای متناوبه حقیقه ایضاحات سابقه‌سنه شو یولده بیاناتی علاوه ایدیور:

« شو قدر وار که منطقدد بو بھمی تعمیق و لایقابه مسئله‌ی تحقیق ایش اولان علمای متأخرین (مبدأ تناقض *principe de la contradiction*) ایله (مبدأ تناوب *le principe de l'alternative*) آرهنده مهم بر فرق بولوب تعیین ایشلردر. [یکدیگریله (متناقض *contradictioires*) بولونان ایکی قضیه‌نک هر ایکیسی دو طوغر و اوله‌ماز.] ایسته مبدأ تناوبده بودر. آکلایشیور که هر ایکی صورتده دخی شکل قضایا شرطیه منفصله‌در؛ و هر ایکی صورتده‌ده مبدأ اساسی تناقض در. یالکنز شو فرق وار که شرطیه منفصله شکلنده معروض اولان بر قضیه مرکه‌نک (برقضیه متناوبه) اوله بیللمه‌سی ایچون، طرفیتی تشکیل ایدن ایکی قضیه حمله آرهنده (مانعه‌خلو) بولومه‌سی بر شرط اساسیور.

بوندن اولکی نسخه‌ده بیان ایتدیکنمز، «مانعه‌جم»، «مانعه‌خلو»، «ک معنای اخصلرندن عبارت ایدی. برده بونلرک او معنلردن باشقه معنای عملری‌ده وارد که منفصله حقیقه‌لرده شامل اولور.

«مانعه‌جم بمعنی‌الاعم، هیچ برقید و شرط علاوه ایدلیه‌رک علی‌الاطلاق «هانکی بری دوغرو اولورسه دیگری بهمه‌حال یا کلش اولان قضیه‌لردن شکل ایدر.»

شبه یوقدر که مانع جمع ، بو معنایه نظرأ فصل « شوشی حجر در ویا شجر در ، کبی معنای سابقی اعتباریله مانع جمع اولانله شامل اولدینی کبی « شو عدد ، زوجدر ویا فرددر ، کبی منفصله حقیقه لرمده شاملدر . چونکه فصل « شوشی حجر در ویا شجر در ، مانع جمعده طرفینو ، تشکیل ایدن قضیه لردن هانکی بری دوغرو فرض ایدیلر جگ اولور ایسه دیکری بهمه حال یا ککش اوله جنی کبی « شو عدد ، زوجدر ویا فرددر ، منفصله حقیقه سنده کبی قضیه لردن ده هانکیسی دوغرو فرض ایدیلر ایسه دیکری بهمه حال یا ککشدر .

هکوریلور که بوهر ایکی نوع منفصله لرمده ، طرفینی تشکیل ایدن قضیه لره هانکی بری دوغرو فرض اولنور سه دیکری بهمه حال یا ککشدر . بناء عایه آرا لرمده بو معنا اعتباریله هیچ برفرق بولماز اینده فقط برنده یعنی « شوشی حجر در ویا شجر در ، کبی منفصله لرمده طرفینی تشکیل ایدن قضیه لردن هانکی بری یا ککش فرض ایدیلر ایسه دیکری بهمه حال دوغرو در دنیله نیوب دیکر نده یعنی « شو عدد زوجدر ویا فرددر ، کبی منفصله لرمده هانکی بری یا ککش ایسه دیکری بهمه حال دوغرو در دنیله بیلر . دیک اولیور که یا ککش بوتقطه دن آرا لرمده تک آجیق فرق بولینور .

مانع خلوده مانع جمع کیدر . مانع خلوه یعنی الاغمرده علی الاطلاق « هانکی بری یا ککش اولور ایسه دیکری دوغرو اولسی لازم کلان قضیه لردن شکل ایدر . »

بو معنا اعتباریله مانع خلوده ، منفصله حقیقه لره شامل اولور . چونکه فصل « زید دگزه در ویا معروق دکدر ، کبی معنای سابقی اعتباریله مانع خلوه اولانله « طرفینی تشکیل ایدن قضیه لردن هانکی بری یا ککش فرض اولنور ایسه دیکری بهمه حال دوغرو در ، مفهوم و معنایی صادق ایسه « شو عدد زوجدر ویا فرددر ، کبی منفصله حقیقه لرمده صادقدر . آرا لرمده بو معنا اعتباریله هیچ برفرق یوقدر .

ایسته بویه مانع خلوه تعیری ده ، هر ایکی نوع منفصله آرا سنده هیچ بر

فرق کو سترہ میان مشترک و شمولی بر معنادہ استعمال اولندینی کی، بعضاً ذمہ مانعہ خلو، مانعہ جمع کی تفید اولتور دہ منفصلہ حقیقہ لہ شامل اولماز۔ تمامیہ تفریق ایدلش اولور۔ اصل مانعہ جمع، تفید ایدیلہ رک « شوشی حجر درو یا شجر در» کی ہر ایک طرفک دوغرو اولسی احتمالی اولماقلہ برابر یا کلش اولسی احتمالی اولانلرہ تخصیص اولندینی و بو اعتبار ایلہ منفصلہ حقیقہ دن تمامیہ تفریق ایدیلدیکی کی چونکہ منفصلہ حقیقہ نیک طرفلری ہر ایکسی دہ دوغرو اولماز، یا کلش دہ اولماز، ہمہ حال یری دوغرو دیکری یا کلشدر۔ مانعہ خلو دہ « زیدد کز دہ دو و یا مغروق دکدر» کی ہر ایک طرفکی یا کلش اولماقلہ برابر ہر ایکسنگ دوغرو اولبق احتمالی اولانلرہ تخصیص ایدیلیردہ منفصلہ حقیقہ دن تفریق ایدلش اولور۔ چونکہ منفصلہ حقیقہ نیک ہر ایک طرفکی دوغرو و یا یا کلش اولماز، ہمہ حال یری دوغرو دیکری یا کلشدر۔

گوریلور کہ منفصلہ لریک انواع واقسامی آراسندہ فرق، پک آحیقدر۔ اولیہ قاموسک دیدیکی کی متقدمین طرفدن کشف اولنہ مامش دہ آنجق متأخرین زمانندہ کشف ایدیلہ بیلش برفرق مہم، یوقدر۔ فقط منطقیون بیان ایتدیکنز وجہلہ مانعہ جمع، مانعہ خلو حقتدہ ایکی دورلو اصطلاح وضع ایتدکلرندن معنای اخصلرینہ اشارت مقصدیلہ « بونلر بعضاً شو صورتلہ تفریق اولتور» دیہ بیاناتدہ بولتورلر۔

بوندن مقصدلری ایسہ ہر نہ قدر معنای عملری اعتباریلہ تمامیلہ یری برندن تفریق اولنہ مازسہ دہ بردہ بونلرک معنای اخصلری دہ وارد۔ او صورتلہ تفریق اولتور دیکدر کہ معنای اصطلاحیلری بیاندن باشقہ بر معنای افادہ ایتمز۔

منصوری زادہ : سعید